

REFERAT MAA - Meeqqanut Atuarfeqarnermullu Ataatsimiititaq d. 01-03-2023

Mødedato Onsdag d. 01. marts 2023 kl. 18:00

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Meeqquvinnik namminersortunik ingerlatsinermut isumaqatigiissutinik nutarterineq.....	6
Ukioq atuarfiusoq 2021/2022 atuarfiit ataatsimoorlutik Pitsaassuseq pillugu Nalunaarusiaat.....	9
Piffissap ilaannaanik atuinermut pilersaarut pillugu siunnersuut.....	12
Arctic Park.....	15
Meeqqat atuarfiini Mindfulness misiligummik suliniutaanissaanik allaaserinnineq.....	18
Taasariaqartut allat.....	21
Imaqarniliap akuerineqarnera.....	22

Punkt .: Saqqaa

Ilaasortat:

Juaaka Lyberth (IA), *siulittaasooq*

Poul Petersen (D), *siulittaasup tullia*

Mia Skifte Lynge (IA)

Finn Karlsen (N)

Dorthe-Marie Mogensen-Fontain (S)

Beslutning

Ataatsimeeqataasut:

Juaaka Lyberth (IA), *siulittaasooq*

Poul Petersen (D), *siulittaasup tullia*

Mia Skifte Lynge (IA)

Attaveqaatitigut peqataavoq:

Dorthe-Marie Mogensen-Fontain (S)

Peqataangilaq:

Finn Karlsen (N)

Punkt .: Oqaluserisassat akuerineqarneri

Beslutning

Oqaluserisassat akuersissutigineqarput.

Punkt .: Nalunaarutit

Beslutning

Ataatsimiititami siulittaasumit nalunaarut:

- Meeqqanut Atuarfeqarnermullu Ataatsimiititaq Ilinniartitaanermut Naalakkersuisoqarfimmi suliniummi ingerlatsisumit ilinniartitaanermi inerisaanissamut tunngasut pillugit ataatsimeeqatiserineqarpoq. Ilinniartitaanerit sorliit qitiutillugit – tunngaviusumik ilinniartitaanerit, inuussutissarsiornermut ilinniartitaanerit, ilinniartitaanerillu allat – Kalaallit Nunaannit pisariaqartinneqarnersut. Ataatsimiinnermi peqataasut qitiutillugu eqqaavaat, Tasiilami ilinniartoqarfeqanngitsoq, ilinniartitaanerit pioreersut amerlanerusunik ilinniartoqartariaqarneri, pingaartumik perorsaanermut tunngasuni aammalu Paamiuni ilinniartitaanerit inuussutissarsiornermut tunngasut amigaatigineqartut.

Pisortamit nalunaarut:

- Ulluunerani neqeroortuni ikiortitut ilinnialernissamut Nuummi ingerlanneqartussamut 25t peqataaniarlutik nalunaarsimapput. Taakkua tamarmik meeqqerivinni AKOnilu sulisuupput. Aamma utaqqisunut allattorsimaffimmik pilersitsisoqarpoq, soqutiginninneq annertummat. Ilinniartitaaneq ima aqqissorneqarpoq, modulit tallimat siulliit kommunip aqqissuutissagai, aammalu ilinniarneq naammassissagaanni modul 6 PI/SPS-imi ingerlanneqassasoq. Peqataaniarlutik nalunaartut naammassappata, modul 6 Nuummi ingerlanneqarumaarpoq.

Punkt 1: Meeqquerivinnik namminersortunik ingerlatsinermut isumaqatigiissutinik nutarterineq

Beslutning

Ilisimatitsissut tusaatissatut tiguneqarpoq.

Bilag

Kommuneqarfik Sermersuup aamma meeqqeriviup imminut pigisup akornanni

Kommuneqarfik Sermersuup aamma meeqqeriviit imminnut pigisut akornanni suleqatigiinnissamik isumaqatigiissut

Meeqperivinnik namminersortunik ingerlatsinermut isumaqatigiissutinik nutarterineq

Ilisimatitsissut

SagsID: EMN-2022-02983

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Atuarfeqarnermullu Ataatsimiititamat inassuteqaatigineqarpoq:

- ilisimatitsissut tusaatissatut tiguneqassasoq

Suliassamik saqqummiussineq

Meeqqanut Atuarfeqarnermullu Ingerlatsivimmit 2022-mi upernaap ingerlanerani Nuummi meepperiviit namminersortut pingasut – Meeqperivik Sulunnguit, Esther Børnehave, Meeqperivik Mikisoq, ataatsimeeqatigineqarput. Ataatsimiinnerni ingerlatsinermut isumaqatigiissutit nutaanngilisut misissornissaat nutarternissaallu, ilaatigut tunniussinissamat killiliussanullu tunngasut ersarinnerulernissaat qulakkeerniarlugu kiisalu illuatungeriit attaveqatigiinnerat ersarissaaffigineqarnissaa siunertaavoq.

Ingerlatsinermut Isumaqatigiissut

Kommunalbestyrelsimit meepperivinnut namminersortunut tapiissuteqarnissamat piumasaqaatit ingerlatsinermut isumaqatigiissummi aalajangersarneqartarput.

Ingerlatsinermut isumaqatigiissutip ilusaa nutarterneqarpoq. Kiisalu maanna inatsisit atuuttut malillugit, Kommunalbestyrelsillu ukiumoortumut missingersuutit akuerisaanniittut ukiumoortut malinnagit, sulisut amerlassusilerneqarnerat aalajangersarneqarput.

Suleqatigiinnissamat isumaqatigiissut

Ingerlatsinermut isumaqatigiissutinut ilanngussatut meepperiviit namminersortut suleqatigalugit Meeqqanut Atuarfeqarnermut Ingerlatsiviup meepperiviillu namminersortut akornanni suleqatigiinnissamat isumaqatigiissusiortoqarpoq.

Suleqatigiinnissamat isumaqatigiissummi siunertarineqarpoq:

- suleqatigiinnerup pitsanngorsarneqarnissaa
- suliassaqrarfiit akornanni attuumassutilinnut suleqatigiinnissamullu periarfissanut tunngatillugu ersarissuunissaq qulakkeerneqassasoq
- tunniussisarnerit killiliussallu tamakkiisumik takuneqarsinnaasunngortinneqassasut

Suleqatigiinnissamat isumaqatigiissut malillugu Meeqqanut Atuarfeqarnermullu Ingerlatsiviup meepperiviillu namminersortut akornanni ukiumoortumik ataasiarluni ataatsimiittoqartassaaq. Meeqqanut Atuarfeqarnermullu Ingerlatsivimmit paasissutissanut attuumassuteqarsinnaasunut imaluunniit inatsisinut nutaanut, ulluunerani neqeroorutinut tunngasunut attuumassuteqarsinnaasunut, innersuussinissamik ikiuinissaanut pisussaaffilerpoq.

Suleqatigiinnissamat isumaqatigiissusiornermut atatillugu Meeqqanut Atuarfeqarnermullu Ingerlatsivimmit meepperivinnut namminersortunut pikkorissartitsinerni, inissaqartoqaraangat, peqataasinnaaneranik neqerooruteqartassasoq isumaqatigiissutigineqarpoq. Peqataanissamat akiliuteqartoqartassappat meepperiviit namminersortut namminneq pisussaaffigaat akiliuteqassallutik.

Ilaatigut meeqqerivinni namminersortuni sulisut kommunimilu meeqqerivinni sulisut ataatsimut siusissukkut paasisaqarneq pillugu januaarimi 2023-mi pikkorissaqatigiinnerannik kinguneqarpoq.

Ingerlatsivimmit aningaasatigut sulisoqarnikkullu naliliinerit

Ingerlatsinermut isumaqatigiissutinik nutarnerineq Kommunalbestyrelsip meeqqeriviit ingerlatsinerannut tapiissuteqartarneranut tunngatillugu piumasaqaatinik allannguititsinngilaq.

Suliffeqarfimmut Kiffartuussivimmit aningaasatigut naliliineq

Attuumassuteqanngilaq.

Inatsisitigut tunngavissaq allakkallu tunngaviusumik uppernarsaatillit

- Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-imeersoq

Ilanngussat

1. Kommuneqarfik Sermersuup aamma meeqqeriviup imminut pigisup akornanni
2. Kommuneqarfik Sermersuup aamma meeqqeriviit imminnut pigisut akornanni suleqatigiinnissamik isumaqatigiissut

Punkt 2: Ukioq atuarfiusoq 2021/2022 atuarfiit ataatsimoorlutik Pitsaassuseq pillugu Nalunaarusiaat

Beslutning

Ilisimatitsissut tusaatissatut tiguneqarpoq.

Bilag

Ukioq atuarfiusoq 2021/2022 pillugu atuarfiit ataatsimoorlutik pitsaassuseq pillugu nalunaarusiaat



Ukioq atuarfiusoq 2021/2022 atuariit ataatsimoorlutik Pitsaassuseq pillugu Nalunaarusiaat

Ilisimatitsissut

SagsID: EMN-2022-07405

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Atuarfeqarnermullu Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutit ingerlateqqinneqassasoq

Suliassamik saqqummiussineq

Atuarfik pillugu Inatsisartut inatsisissaattut siunnersuut nr. 15, 3. December 2012-imeersumi § 49 naapertorlugu atuariit immikkut ukiumut atuarfiusumut qaangiuttumut ukiumoortumik pitsaassuseq pillugu nalunaarusiortassapput. Taassuma ilaatigut imarisassavai ukiumi atuarfiusumi kingullermi nukarlerni akullernilu misilitsinnerni angusat, angajullerni inaarutaasumik misilitsinnerni angusat, agguaqatigiissillugu klassini atuartut amerlassusiat, piffissaq atuartitsinermut atorneqartoq il.il.

Meeqqanut Atuarfeqarnermullu Ingerlatsivimmi Atuarfeqarnermut Immikkoortortaq atuariit namminneq ukiumoortumik pitsaassuseq pillugu nalunaarusiaat tunngavigalugit kommunimi atuariit tamarmik pillugit ataatsimoorussamik ukiumoortumik pitsaassuseq pillugu nalunaarusiortarpoq.

Matumani Kommuneqarfik Sermersuumi atuarfeqarnermut tunngasunik pitsaassuseq pillugu nalunaarusiaq ukiumut atuarfiusumut kingullermut takussutissiamik, ukioq atuarfiusoq 2021/2022-mut atuariit namminneq pitsaassuseq pillugu nalunaarusiaannik eqikkaanermik kiisalu immikkoortunik pingaarnernik nassuiaatinik imaqqarpoq. Tamatuma saniatigut nalunaarusiap naggataani atuarfeqarnermut tunngasunik suliniutit ineriartortitsinissamullu suliniutit, ingerlanneqartut imaluunniit ukioq atuarfiusoq kingullermi aallartinneqarsimasut, pillugit takussutissamik imaqqarpoq.

Ataatsimut pitsaassuseq pillugu nalunaarusiap sularineranut atatillugu Meeqqanut Atuarfeqarnermullu Ingerlatsivimmit paasineqarpoq ukiup atuarfiusup siuliani 3. klassimi alloriarfimmi misilitsinnermit angusat nuna tamakkerlugu atuartitsivimmi qallunaatut agguaqatigiissinneri assigniittut, nunalu tamakkerlugu agguaqatigiissillugu kalaallisut matematikkimilu ataaniilluni. Taamatuttaaq takuneqarsinnaavoq ukiumi atuarfiusumi 2020/2021-mi 3. klassit alloriarfimmi misilitsinneranni atuartitsissutini pingasuusuni tamani angusanut sanilliukkaanni appariaateqarsimasut.

7. klassimi alloriarfimmi misilitsinnermi atuartitsissutini qallunaatut, matematikki tuluttullu angusat ukiumut atuarfiusumut siulianut sanilliullugu nuna tamakkerlugu agguaqatigiissillugu inissisimaffik qaangilaarlugu inissisimapput kalaallisullu atuartitsissummi angusat nuna tamakkerlugu agguaqatigiissillugu inissisimanerani appasinnerullutik. Ukiumut atuarfiusumut 2020/2021-mut sanilliullugu ukiumi atuarfiusumi siuliani 7. klassit alloriarfimmi misilitsinneranni kalaallisut angusat qaffasinnerulaarput.



Atuartitsissutini qallunaatut, matematikkimi tuluttuumilu nuna tamakkerlugu agguaqatigiissillugu inissimanermit inaarutaasumik allattariarsorluni misilitsinnermi angusat taakkunanga qaffasinnerupput. Taamaalilluni ukiumut atuarfiusumut 2020/2021-mut sanilliullugu takuneqarsinnaavoq piginnaasanik misilitsinnermi inaarutaasumik angusani siuariaateqartoqartoq taamatullu kalaallisut allattariarsornermi misilitsinneq ilanngullugu. Atuartut meeqqat atuarfianni inaarutaasumik misilitsittussatut ilannguttut ukiumut atuarfiusumut 2020/2021-mut sanilliullugit ukiut siuliani 2%-imik qaffasinneruput.

Kommuneqarfik Sermersuumi atuarfiit tamarmik nalinginnaasumik suliarisarpaat alloriarfinni misilitsinnernit aamma inaarutaasumik misilitsinnernit angusat suussusersissallugit, misissussallugit aamma nassuiaasersussallugit, kiisalu angusat tamakkua pitsanngorsarumallugit suliniutinik iliuuserisassanillu aallartitsissallutik.

Ingerlatsivimmit aningaasatigut sulisoqarnikkullu naliliinerit

Attuumassuteqanngilaq.

Suliffeqarfimmut Kiffartuussivimmit aningaasatigut naliliineq

Attuumassuteqanngilaq.

Inatsisitigut tunngavissaq allakkallu tunngaviusumik uppersarsaatillit

- Atuarfik pillugu Inatsisartut inatsisissattut siunnersuut nr. 15, 3. December 2012-imeersoq

Ilanngussat

1. Ukioq atuarfiusoq 2021/2022 pillugu atuarfiit ataatsimoorlutik pitsaassuseq pillugu nalunaarusiaat

Punkt 3: Piffissap ilaannaanik atuinermut pilersaarut pillugu siunnersuut

Beslutning

Inassuteqaat akuersissutigineqarpoq.

Piffissap ilaannaanik atuinnermut pilersaarut pillugu siunnersuut

Ataatsimiititami ilaasortap Poul Petersenip (D) Meeqqanut Atuarfeqarnermullu Ataatsimiititامت siunnersuutaa

Aalajangiiffigisassaq

SagsID.: EMN-2023-00890

Inassuteqaat

Kommunalbestyrelsimut ilaasortap Poul Petersenip Meeqqanut Atuarfeqarnermullu Ataatsimiititامت inassuteqaatigaa:

- siunnersuut Meeqqanut Atuarfeqarnermullu Ataatsimiititami oqaluuserineqassasoq taamatullu suliap ingerlateqqinneqarnissaa aalajangiiffigineqassasoq

Suliassamik saqqummiussineq

Ataatsimiititami ilaasortap Poul Petersenip (D) februaarip 12-iani 2023 Meeqqanut Atuarfeqarnermullu Ataatsimiititami aalajangiiffigisassatut siunnersuummik nassiussivoq. Piffissap ilaannaanik atuinnermut pilersaarut pillugu periarfissaq Meeqqanut Atuarfeqarnermullu Ataatsimiititامت eqqartussagaa Poul Petersen kissaateqarpoq.

Tunngavilersuut:

(Kommuneqarfik Sermersuumiit nutserneqarsimasoq)

“Siunnersuutiginiarpara Meeqqanut Atuarfeqarnermullu Ataatsimiititامت ingerlatsivik peqatigalugu meeqqat atuarianni angajullit kingusinnerusukkut atuariatortarnissaannut periarfissat misissorneqarnissaat pillugu. Danmarkimi atuarianni atuartut assigalugit atuarianni, inuusuttunut ilinniarfinni universitetinilu atuartitsineq nal. 8 aallartikkajuttarpoq .

Kisianni sooq meeqqavut nal. 8 atuariatortinniarlugit itersartassavavut? Statens Institut for Folkesund-imit misissuinerup takutippaa 11-15-inik ukiullit 78 procentii ullaakkut nal. arfineq-pingasunut atuariatoraangamik qasusartut. Ilisimatuut akornanni siniup angusaqarsinnaanitsinnut assut pingaaruteqartuunera isumaqataaffigineqarpoq. Assullu isumaqatigineqarpoq akisussaaffiup angajoqqaaninnera, taakku inuusuttut innajaartarnissaat ullaakkullu qasuersimallutik itiaarsimallutik atuariatortarnissaat isumagisussaammassuk. Taamaalillunga eqqarsaatigivara uagut misiliutaasumik suliniummik aallartitsinissaq siunertaralugu paasiniassagipput tamanna atuarifitsinnut naleqquttuunersoq taamaappallu aaqqissuussinissap qanoq aaqqissuunneqarnissaa misissussagipput.

Inuusuttuaqqat amerlasuutigut itiaallusuujuneq ajorput (b-mennesker), tassalu ingerlaaserisarlugu kingusissuklut innartarneq kingusissukkullu makittarneq.

Ilisimatusarnermi pineqartumi aamma paasinarsivoq siusissuklut atuariatortarnerup inuusuttuaqqat sinnakinneruneranik kinguneqartarnera.

Allatut oqaatigalugu eqqumatinniarlugit "pinngitsaalisarpavut", timaat sinikkusuttoq, peqatigitillugulu pinngitsaalillugit sinitsinniartarpavut timaat eqqumarusuttoq.

Hollandimiut Everline Crone-mi ilisimatusarnerannit takutinneqarpoq inuusuttut ikittuinnaat nal. 23 sioqqullugu sinilertartut. Taakkumi itiaallusuujunnginnamik (b-menneske), unnukkullu nukissaqarluartarlutik, ullaakkullu itersaruminaattarlutik - kingornatigullu piunassuseqarneq ajorput imaluunniit atuarifimmi akunnerit siullit malinnaaneq ajortut.

Ilisimatusarnerup takutippaa,

- *inuusuttuaqqat sininnerusinnaasut atuariatortarneq inuusuttunullu ilinniarfinni kingusinnerusukkut atuariatortoqartaleraluarpat. Eqqarsaatigilaariaruk, atuarfiit suliffeqarfiillu inuup pissusissamisoortumik ullup unnuallu ingerlanerani ingerlaasianut naleqqussarsinnaagaluarpata*
- *timitta sinimmik pisariaqartitsiffiata iluani sininneq pitsaasuusoq. Sinimmik timimi pisariaqartitsiffiusoq tassaavoq piffissaq illit timivit pissarsiaqaatigalugu iluaqutigisinnaasaa. Timitsinnut pissarsiaqaataasumik sinikkaangatta taava ullup ingerlanerani qasunnginnerusarpugut, isumagissaarnerulluta, sullerinnerullutalu peqqinnerusarpugut, tassalu ataatsimut isigaluta pitsaanerusaluta*

Tassa tamanna pissutaavoq Kommuneqarfik Sermersuup iluani meeqqat atuarfiinut taamatut siunnersuuteqarninnut, tassanilu tunuliaqutaavoq uagut meeqqat atuarfiini atuartut assigiinngitsunik ulloq unnuarlui ingerlaaseqarneranni tapersersuinissarput. Tamatumani periarfissanik misissueqqaarnissarput pisariaqarpoq, inatsisunik tunngavissaq, aningaasaqarneq minnerunngitsumillu misiliutaasumik aqqissuussap qanoq aallartisarneqarsinnaanera ilanngullugit. Ilimanarlunnarporlu soqutigisaqaqatigiit allat akuutinneqassasut uagullu ilisimasatta nunami tamarmi aamma atorneqarsinnaanissaat.”

Siunnersuut qanoq aningaasalerneqassava?

Siunnersuuteqartup tamanna erseqqissaatiginngilaa.

Inatsisitigut tunngavissaq allakkallu tunngaviusumik uppernarsaatitalit

- Kommunit aquneqarnerat pillugu Inatsisartut inatsisaat nr. 29, 17. november 2017-imeersoq
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput
- Kommunalbestyrelsip suleriaasissaatut aalajangersagaq §3:
Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliassanngortitsinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Sulianut aalajangiiffigisassatut siunnersuutinut ilanngunneqarsimasanut aamma tamanna atuuppoq

Ilanngussat

Soqanngilaq.

Punkt 4: Arctic Park

Beslutning

Inassuteqaat amerlanerussuteqartuniit akuersissutigineqarpoq (IA aamma D).

Inassuteqaat ikinnerussuteqartuniit itigartitsissutigineqarpoq (S).

Bilag

Nalunaarusiaq Arctic Park

Angalaneq pillugu nalunaarusiaq

Tilbud – Kortlægning af vej til Paradisdalen



Arctic Park

Aalajangiiffigisassaq

SagsID: EMN-2021-11270

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Atuarfeqarnermullu Ataatsimiititamut inassuteqaatigineqarpoq:

- Arctic Park pillugu nalunaarusiaq akuerineqassasoq
- suliaq Aningaasaqarnermut Inuusutissarsionermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Arctic Park tassaavoq Nuummi ukiuunerani aasaanerani timersuutini kiisalu sunngiffimmi pinngortitami sammisassanik ineriartortitsinermik suliniut anguniagaqarfiusoq siunissamullu naleqqussagaq. Pilersaarut aningaasaateqarfimmit Sisorarfiit 2019-ip ukiaani saqqummiunneqarpoq, kingornalu peqatigiiffiit, najukkami innuttaasut suliffeqarfiillu ilanngutsinnerisigut ineriartortinneqarluni. Taamaalilluni pilersaarummi najukkami innuttaasunit peqatigiiffinnillu kissaatigineqartut tunngaviupput.

Arctic Park tassaavoq sammisassaqaarfik tamaani sammisassat suunissaat innuttaasunit peqatigiiffinnillu sunniuteqarfigineqartut. Parki Nuummi aamma Kalaallit Nunaanni sammisassatut periarfissanik tupinnaannartunik ammaasseqataassaaq.

Kommuneqaarfik Sermersooq 2021-mi nalunaarusiortussamik pilersaarusiornermik sulialimmik atorfeqartitaqarnikuuvoq. Pilersaarutip nalunaarusiarineqarnerani peqatigiiffiit, najukkami innuttaasut aamma suliffeqarfiit akuutinneqarsimapput. Tamatumani inernerivaa nalunaarusiaq ilanngussatut ilanngunneqartoq, suliniutit agguataarlugit allaaserinnittoq:

- Aqqusineq
- Hotel, cafe, illuaqqat, lejrskole aamma klubhuse
- Qaqqasiorneq, zipline, pisuttunut aqquteeqqat
- Mountainbike
- Ujakkaarneq
- Sisoraatigaluni ooqattaasarneq
- Sisorarnerit
- Skillift
- Qamuteralaat

Arctic Park aqqutigalugu takorloorneqarpoq Nuup illoqarfiata tunuani nuna tikinneqarsinnaanngorlugu sunngiffimmi sammisassaqaarfittut nutaatut ineriartortinneqassasoq asimi nunami immikkuullarissumi taamaakkaluartoq illoqarfimmut qanittumi. Arctic Park aqqutigalugu kissaatigineqarpoq illoqarfiup alliertortup ungasinngisaani pinngortitami nunaminertamik inuit katersuuffianik nutaamik pilersitsisoqassasoq. Anguniarneqarpoq ukioq kaajallallugu pinngortitami misigisassanik immikkuullarissunik nuannisarfiusinnaalluuartunillu pilersitsisoqassasoq. Kikkulluunniit, meeqqat utoqqaallu, innuttaasut takornariallu ukioq kaajallallugu nunap immikkoortuanut tassunga ornigussinnaassapput pinngortitaq immikkuullarilluinnartoq misigisaqarfigalugu, sammisanilu assigiinngitsuni peqataallutik. Tamanna Kommuneqaarfik Sermersooq 2022 - 2025 IA aamma Naleraq Suleqatigiinnissamik isumaqatigiissutaannut naapertuuppoq.



Nalunaarusiap akuerineqarneratigut suliniutip ilai sanaartornerup iluani politikikkut tulleriarinermi aammalu aningaasanik isumaqatigiinniarnermi ilaatinneqarsinnaapput. Alloriarneq siulleq tassaasariaqarpoq aqquserniorneq, peqatigiiffiit inuussutissarsiutinillu suliaqartut sanaartornertaanut sanaartukkanullu tunngasunik aallartisisinnaaqullugit.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Inuit Ataqtigiit Naleqqallu akornanni suleqatigiinnissamik isumaqatigiissut

Ilanngussat

1. Nalunaarusiaq Arctic Park
2. Angalaneq pillugu nalunaarusiaq
3. Tilbud – Kortlægning af vej til Paradisdalen

Punkt 5: Meeqqat atuarfiini Mindfulness misiligummik suliniutaanissaanik allaaserinnineq

Beslutning

Inassuteqaat akuersissutigineqarpoq.

Bilag

Misiligummik suliniut meeqqat atuarfiini mindfulness



Meeqqat atuarfiini Mindfulness misiligummik suliniutaanissaanik allaaserinnineq

Aalajangiiffigisassaq

SagsID.: EMN-2021-15456

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Atuarfeqarnermullu Ataatsimiititamut inassuteqaatigineqarpoq:

- suliniummik allaaserinnineq akuerineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Meeqqanut Atuarfeqarnermullu Ataatsimiititaq juunip 4-ni 2021-mi aalajangiiffigisassatut siunnersuummik Kommunalbestyrelsimut tigusaqarpoq, tassa kommunimi meeqqat atuarfiini mindfulness atulerneqarnissaanut tunngasumik. Meeqqanut Atuarfeqarnermut Ingerlatsivik, suliaq qaqqinneqarneranut atasumik aningaasaqarnermut tunngasumik missiliuussisimavoq, kommunimi atuarfinni tamani mindfulnessip eqqunneqarnerata nalinginnaasumik qanoq akeqarnissaanut tunngasumik.

Aalajangiiffigisassatut siunnersuut Meeqqanut Atuarfeqarnermullu Ataatsimiititami septembarip 8-ni 2021 suliarineqarpoq. Tamatumani innersuussut allannguummik matuminnga nassataqarluni akuersissutigineqarpoq, tassa Meeqqanut Atuarfeqarnermullu Ingerlatsivimmit suliaq misissorneqassasoq aamma aalajangiiffigisassatut siunnersuummik nassiussisoqarluni, aalajangiiffigisassatut siunnersuut aqqutigalugu kommunimi meeqqat atuarfianni ataatsimi mindfulnessimik atugaqarneq misileraqqaarneqaaqqullugu. Tassani siunertaalluni, misiligummik suliniummik mindfulnessimik matuminnga atuinermi misilittakkat aallaavigineqassapput, kommunimi meeqqat atuarfiini tamani atuartsinermi nalinginnaasumik mindfulnessip qanoq atornerqarnissaanik ineriartortitsinissaq eqqarsaatigalugu.

Meeqqanut Atuarfeqarnermullu Ingerlatsivimmi tamanna tunngavigalugu mindfulnessimik suliniuteqarnissamut allaaserinnittoqarpoq. Mindfulnessip meeqqat atuarfiini atorneqarneranut siunertaasoq, misiligummik suliniummi akisussaaffiit agguataarneqarneranni anguniagaasoq, aningaasaqarneq kiisalu misiligummi suliniummik nalilersuineq il.il. misiligummik suliniuteqarnissamut soqutiginaatillit sammineqarnerannik suliniummik allaaserinnineq imaqqarpoq. Ingerlatsivimmiit aamma innersuussutigineqarpoq, misiligummik suliniuteqarneq inuttut ineriartortitsinermut tapertatut ingerlanneqassasoq, taamatummi atuartsinermi ilaatigut siunertaamat atuartut timikkut eqqarsartaatsikkullu peqqinnerusumik inuuneqarnissamut piginnaangorsarneqarnissaat. Suliniummik allaaserinnineq akuersissutigineqassappat, Nuummi atuarfiit ilaani 2023/24-mi 2024/25-miluunniit misiligummik suliniutip aallartisarneqarnissaanut aningaasartassanik ingerlatsivimmit qinnuteqartoqassaaq.

Ingerlatsivimmit aningaasatigut sulisoqarnikkullu naliliinerit

Meeqqanut Atuarfeqarnermullu Ingerlatsivimmi missiliuunneqarpoq, misiligummik suliniummik ingerlatsineq 122.720 kr.-qassasoq. Atuarfeqarnermut immikkoortortamut missingersuutini ukiumilu atuarfiusussami aggersumi tassunga tunngasunik aningaasaliisoqarnikuunngilaq, taamaattumillu 2023/2024-mi ukiumi atuarfiusumi misileraanissaq aallartinneqassappat ilassutitut aningaasaliissutit aqqutigalugit qinnuteqartoqassaaq imaluunniit 2024-mut missingersuusiornermi



periarfissanut allattorsimaffimmut ilaatinneqarluni. Kingulleq toqqarneqassappat misiligummik suliniut ukiumi atuarfiusumut 2024/25-mut kinguartinneqassaaq.

Suliffeqarfimmut Kiffartuussivimmit aningaasatigut naliliineq

Pisoq tassanngaannartuunngimmat 2023-mullu missingersuusiornermi siumut oqaatigineqarsinnaanikummat, piumasarineqarpoq 2023-mi TB1-mi qinnutigineqassasoq, ingerlatsivimmi atugassat iluini nuussinermi matussuserneqassasoq.

Inatsisitigut tunngavissaq allakkallu tunngaviusumik uppersaatillit

- Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq

Ilanngussaq

1. Misiligummik suliniut meeqqat atuarfiini mindfulness

Punkt .: Taasariaqartut allat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 14.53.